

Vi ste ovdje: [Početna](#) ▶ [Vijesti](#) ▶ [Saopćenja za javnost](#) ▶

Policija u Brezi rasvijetlila više krivičnih djela teške krađe: Lišeno slobode šest lica - Izvršena tri pretresa, pronađeni otuđeni predmeti, oružje, opojna droga -



Menu

[HOME](#)[OGLASI](#)[KONKURSI](#)[JAVNE NABAVKE](#)[ZAVRŠENE JAVNE NABAVKE](#)[VIJESTI 122 I SAOPĆENJA](#)[AKTUELNO](#)[GRADANSTVO](#)[INFORMACIJE](#)[CYBER SIGURNOST](#)[LINKOVI](#)

Arhiva saopštenja

Septembar 2026							
Po	Ut	Sr	Ce	Pe	Su	Ne	
31	1	2	3	4	5	6	
7	8	9	10	11	12	13	
14	15	16	17	18	19	20	
21	22	23	24	25	26	27	
28	29	30	1	2	3	4	

Policija u Brezi rasvijetlila više krivičnih djela teške krađe: Lišeno slobode šest lica - Izvršena tri pretresa, pronađeni otuđeni predmeti, oružje, opojna droga -

Objavljeno petak, 11 Septembar 2026 07:37

Klikova: 82

U proteklom periodu na područja općine Breza, od strane nepoznatih lica izvršeno je više krivičnih djela "Teška krađa" iz člana 287. Krivičnog zakona Federacije Bosne i Hercegovine . Kao meta počiniocima ovih krivičnih djela bile su kuće, vikendice i drugi objekti, a predmet otuđenja su bile tehničke stvari i drugi predmeti.

Službenici Policijske stanice Breza su preduzimali intenzivne mjere i radnje na rasvjetljavanju i dokumentovanju navedenih krivičnih djela, te su operativnim radom na terenu i koordiniranim aktivnostima, rasvijetlili više krivičnih djela teške krađe počinjenih na području općine Breza. Izvršenim pretresima su pronašli otuđene predmete, kao i predmete koji potiču iz drugih krivičnih djela, oružje, municiju i opojnu drogu, dokumentovali navedena krivična djela, te lišili slobode šest lica: H.F., rođeno 1985. godine, K.Dž., rođena 1988. godine i K.S., rođeno 2002. godine, sva lica iz Breze, D.N, rođeno 1985. godine,, iz Breze, K.E., rođeno 1987. godine, iz Visokog i H.H. rođeno 1993. godine, iz Breze.

View the embedded image gallery online at:

<https://www.mupzdk.gov.ba/index.php/vijesti/saopcenja-za-javnost/5334-policija-u-brezi-rasvijetlila-vise-krivcnih-djela-teske-krađe-lišeno-slobode-sest-lica-izvršena-tri-pretresa-pronađeni-otuđeni-predmeti-oružje-opojna-droga#sigProld1dc9d9d1dc>

Dana 09.09.2026. godine, zbog postojanja osnova sumnje da su počinila krivična djela "Teška krađa" iz člana 287, "Prikriivanje" iz člana 300, i "Narušavanje nepovredivosti doma" iz člana 184. Krivičnog zakona Federacije Bosne i Hercegovine, lišena su slobode lica: H.F., rođeno 1985. godine, K.Dž., rođena 1988. godine i K.S., rođeno 2002. godine, sva lica iz Breze, koja su zadržana u prostorijama za zadržavanje, te je nad istim zavedena kriminalistička obrada.

Daljnjiim operativnim radom, službenici Policijske stanice Breza su došli do saznanja da se predmeti iz određenih počinjenih krivičnih djela teške krađe nalaze kod lica D.N., rođeno 1985. godine, iz Breze, nakon čega su postupajući po Naredbi Općinskog suda u Visokom, u ulici Desetijatska u Brezi, izvršili pretres kuće i pomoćnih objekata koje koristi navedeno lice.

Prilikom pretresa pronađeni su predmeti traženi naredbom, koji potiču iz krivičnih djela "Teška krađa", počinjenih na području općine Breza:

- dva zvučnika marke "Yamaha",
- jedna mikseta marke "Yamaha",
- jedno pojačalo,
- jedna kutija sa kablovima i dva mikrofona i
- jedna motorna pila.

Takoder, pretresom su pronađeni i predmeti koji ukazuju na izvršenje krivičnih djela iz oblasti zloupotrebe opojnih droga:

- jedna plastična kesa sa sadržajem bijele praškaste materije koja svojim izgledom asocira na opojnu drogu, težine 214,72 grama,
- biljna materija koja svojim izgledom asocira na opojnu drogu težine, 2,82 grama,
- jedna vaga za precizno mjerenje i drugi predmeti.

Zbog postojanja osnova sumnje da je počinilo krivično djelo "Neovlaštena proizvodnja i stavljanje u promet opojnih droga" iz člana 238. i "Prikriivanje" iz člana 300. Krivičnog zakona FBiH, lice D.N. je lišeno slobode i zadržano u prostorijama za zadržavanje, te je nad istim zavedena kriminalistička obrada.

U sklopu navedenih aktivnosti, službenici Policijske stanice Breza su došli do saznanja da se lica K.E., rođeno 1987. godine, iz Visokog i lica H.H., rođeno 1993. godine, iz Breze mogu dovesti u vezu sa navedenim krivičnim djelima, te su službenici Policijske stanice Breza u saradnji sa službenicima Policijske stanice Visoko, na osnovu naredbe Općinskog suda u Visokom, u mjestu Podvinci, Grad Visoko izvršili pretres kuće i pomoćnih objekata, koje koristi lice K.E.

Prilikom pretresa pronađeni su sljedeći predmeti:

- dvije puške sa optičkim nišanom,
- jedna puška bez pripadajućeg okvira,
- tri prazna okvira za vatreno oružje,
- deset komada municije,
- jedan gasni pištolj,
- te jedan detonator (kapsula) za aktiviranje eksplozivne materije.

Zbog postojanja osnova sumnje da je počinilo krivično djelo "Nedozvoljeno držanje oružja ili eksplozivnih materija" iz člana 371 Krivičnog zakona FBiH, lice K.E. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Dalje, dana 10.09.2026. godine, službenici Policijske stanice Breza su postupajući po Naredbi Općinskog suda u Visokom, u ulici Alije Izetbegović u Brezi izvršili pretres kuće i pomoćnih objekata koje koristi lice H.H., rođeno 1993. godine, iz Visokog.

Prilikom pretresa pronađeni su sljedeći predmeti:

- jedna plastična providna vrećica u kojoj se nalazi praškasta bijela materija koja svojim izgledom asocira na opojnu drogu "Speed", težine 11,25 grama.

Zbog postojanja osnova sumnje da je počinilo krivično djelo "Teška krađa", iz člana 287., u vezi sa članom 33. "Pomaganje" i krivično djelo "Posjedovanje i omogućavanje uživanja opojnih droga" iz člana 239., Krivičnog zakona Federacije Bosne i Hercegovine, lice H.H. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Službenici Policijske stanice Breza nastavljaju aktivnosti na dokumentovanju navedenih krivičnih djela. O svim preduzetim mjerama i radnjama je obaviješten dežurni tužilac Kantonalnog tužilaštva Zeničko-dobojskog kantona po čijim smjernicama su postupali policijski službenici. Sporna materija i predmeti su oduzeti te će biti predmet potrebnih vještačenja i poslužiti će kao dokaz u krivičnom postupku.

Nakon dokumentovanja naznačenih krivičnih djela i prikupljenih dokaza, službenici Policijske stanice Breza će protiv gore navedenih lica, Kantonalnom tužilaštvu Zeničko-dobojskog kantona, dostaviti Izvještaj o počinjenim krivičnim djelima i otkrivanju izvršilaca.

Odsjek za odnose sa javnošću, analitiku i planiranje

[Nazad na vrh](#)

